

South Sotho - Ho Qaleng Moya Ntwa Thapelo Mangolo

- Beginning WP Scriptures

Ipolela Mangolo - Confession Scriptures

Esdrase 9:7 Haesale le mehleng ya bontata rona, re bile molato haholo ho fihlela kajeno. Ke ka baka la makgopo a rona, rona le marena a rona le baprista ba rona, re kileng ra neelwa matsohong a marena a dinaha tseo, ra neelwa lerumo le kgoleho le tshenyeho le dihlong, jwalokaha ho le jwalo le kajeno.

Esdrase 9:13 Haele moo re se re kile ra hlachelwa ke tse ngata ka baka la ketso tsa rona tse mpe, le ka baka la melato e meholo ya rona, kanthe wena, Modimo wa rona, o kile wa re hauhela, o sa ka wa re otla ka kotlo e lekanang le makgopo a rona, o bile o re boloketse masala a makalo,

Nehemia 9:2 Ba mofuta wa Israele ba ikgetha ho bana bohle ba baditjhaba, mme ba itlhahisa pela Modimo, ba ipolela dibe tsa bona, le makgopo a bontata bona.

Dipesaleme 24:3,4 Ke mang ya ka nyolohelang thabeng ya Jehova, ya ka dulang sehalalelong sa hae? 4 Ke ya matsoho a se nang molato, ya pelo e hlwekileng, ya sa ineeleng leshano, ya sa hlapanyeng ho ya thetsa.

Dipesaleme 73:13 Ke feela ha ke hlwekisitse pelo ya ka, leha ke hlatswitse matsoho a ka bosweung;

Esaia 59:2 empa ke ditlolo tsa lona tse entseng lerako le le arohantseng le Modimo wa lona, ke ka baka la dibe tsa lona sefahleho sa wona se siretseng ho lona, o be o sitwe ho le utlwa.

Esaia 64:6 Athe kaofela ha rona re fetohile ntho e ditshila, ho loka ha rona kaofela ho jwaloka kobo e ditshila haholo, re ponne kaofela jwaloka mahlaku, makgopo a rona a ya le rona jwaloka sefefo.

Jeremia 5:25 Ka baka leo, kgalefo ya Jehova e tuketse setjhaba sa hae, mme o otlolletse letsoho la hae hodima sona, o se ottile; dithaba di a sisinyeha; ditopo tsa bona di ba jwaloka dithole tsa mmila. Leha ho le jwalo, ha a kgutla kgalefong ya hae, empa letsoho la hae le sa ntse le otlolohile.

Hosea 13:8 Ke tla ikakgela hodima bona jwaloka bere e timeletsweng ke bana ba yona, ke harole difuba tsa bona, ke ba jele teng jwaloka tau e tshehadi; dibatana tsa naha di tla ba harola.

Daniel 9:8,9 Morena, maswabi a difahleho ke a rona, le a marena a rona, le a mahosana a rona, le a bontata rona, hobane re o sitetswe. 9 Empa ho Morena, Modimo wa rona, ho na le mohau le tshwarelo, hobane re

ikgantseditse yena.

**Mareka 9:24 Yaba ntata ngwana o phakisa a phahamisa lentswe ka meokgo,
a re: Ke a dumela, Morena! nthuse ho se dumeleng ha ka.**

**Luka 11:2 A re ho bona: Ha le rapela, le no re: Ntata rona ya mahodimong,
lebitso la hao a le ke le kgethehe; ho tle mmuso wa hao; thato ya hao e
etswe lefatsheng jwalokaha e etswa lehodimong; (Mattheu 6:10)**

**Johanne 14:6 Jesu a re ho yena: Ke nna tsela, le nnete, le bophelo; ha ho
motho ya ka tleng ho Ntate, haese ka nna.**

**Johanne 17:15 Bajuda ba makala ke hona, ba re: Na eo o tseba Mangolo
jwang, athe ha a ka a ithuta?**

**Jakobo 4:8 Atamelang Modimo, mme o tla le atamela. Baetsadibe, hatlelang,
mme Iona ba pelo di pedi, hlatswang dipelo tsa Iona.**

**BaRoma 6:12-14 Mme jwale, sebe se se ke sa busa mmeleng ya Iona e
shwang, hore le se utlwe ditakatsong tsa sona. 13 Mme hape, le se ke la
neela sebe ditho tsa Iona ho ba dintho tsa ho sebetsa bokgopo; le mpe le
ipee ho Modimo, jwaloka ba phelang ba neng ba shwele, mme le bee ditho
tsa Iona ho Modimo, e be dintho tsa ho sebetsa ho loka. 14 Hobane sebe
se ke ke sa le busa, kahobane ha le pusong ya molao, empa le le pusong
ya mohau.**

**BaHeberu 9:28 ka mokgwa o jwalo, le yena Kreste, ha a setse a ikentse
pheko hang ho jara dibe tsa ba bangata, o tla bonwa la bobedi, a se na
sebe, ke ba mo lebeletseng hore a ba pholose.**

**1 Johanne 1:9 Ha re ipolela dibe tsa rona, Modimo o a tshepeha, o lokile,
hore o re tshwarele dibe, mme o re hlatswe bokgopo bohole.**

Tshwarela Mangolo - Forgiveness Scriptures

**Mattheu 6:12-15 o re tshwarele melato ya rona, jwalokaha re tshwarela ba
nang le melato ho rona; 13 o se ke wa re isa molekong; o mpe o re Iwele
ho e mobe; [hobane mmuso ke wa hao, le matla, le kganya ka ho se feleng.
Amen!] 14 Hobane ekare ha le tshwarela batho ditlolo tsa bona, Ntata Iona
ya mahodimong o tla le tshwarela le Iona; 15 empa ekare ha le sa
tshwarele batho ditlolo tsa bona, Ntata Iona le yena a ke ke a le tshwarela
ditlolo tsa Iona.**

**Mattheu 18:21,22 Yaba hona Petrose a mo atamelang, a re: Morena,
ngwaneso ha a ntse a ntshitelwa, ke tla mo tshwarela hakae na? E tla ba
hasupa na? 22Jesu a re ho yena: Ke re ho wena: E se ke ya eba hasupa, e
mpe e be ha mashome a supileng a balwang hasupa.**

Mattheu 18:35 Le tla etswa jwalo ke Ntate ya mahodimong, ha e mong le e mong wa lona a sa tshwarele ngwanabo ditlolo ka pelo ya hae yohle.

Mareka 11:25,26 Mme ha le ema le rapela, enore ha le ena le taba le e mong, le mo tshwarele, hore le yena Ntata lona ya mahodimong a le tshwarele ditlolo tsa lona. 26 Hobane ekare ha le sa tshwarele ba bang, Ntata lona ya mahodimong le yena a ke ke a le tshwarela ditlolo tsa lona.

Luka 6:37 Hape, se ahloleng, le tle le se ke la ahlolwa; le se ke la tswa, le tle le se ke la tsuwa; rekolo helang, mme le tla rekolo helwa;

Luka 11:4 o re tshwarele dibe tsa rona, hobane le rona re tshwarela bohole ba re sitetsweng; o se ke wa re isa molekong; o mpe o re Iwele ho e mobe.

Luka 17:3,4 Iponeleng! Ekare ha ngwaneno a o sitetswe, o mo kgalemele; ha a baka, o mo tshwarele. 4 Mme leha a ka o sitelwa hasupa ka tsatsi le leng, mme a kgutlela ho wena hasupa, a re: Ke bakile; o mo tshwarele.

Luka 23:34 Empa Jesu o ne a re: Ntate, o ba tshwarele, hobane ha ba tsebe seo ba se etsang. Mme ba arolelana diaparo tsa hae ka ho di laola ka lotho.

Diketso 8:22 Hlo o bake bolotsaneng bona ba hao, mme o rapele Modimo; ekaba mohlomong o ka tshwarelwa kgopoloe ya pelo ya hao.

BaRoma 4:7 Ho lehlo honolo ba leseletsweng makgopo a bona, bao dibe tsa bona di apesitsweng!

BaEfese 1:7 Ke ka ho yena re nang le topollo ka madi a hae, ke ho re, tshwarelo ya ditshito, ka monono wa mohau wa hae,

BaEfese 4:32 Le rekolo helane, le hauhelane, le tshwarelane, jwalo kaha Modimo le wona o le tshwaretse ka Jesu Kreste.

BaKolose 1:14 eo re nang le topollo ka madi a hae, e leng tshwarelo ya dibe.

BaKolose 2:13-15 Eitse ha le ne le sa ntse le itjhweletse dibeng tsa lona le ho se bolleng ha nama ya lona, o le phedisitse hammoho le yena, ka ho le tshwarela ditlolo tsohle; 14 o hlakotse lengolo la molato la melao e neng e re qosa, mme o le fedisitse ka ho le kgokgothella sefapanong. 15 Wa hlobodisa le marena le mebuso, wa e pepesa pontsheng ha Jesu a se a o hlotse sefapanong seo.

1 Johanne 1:9 Ha re ipolela dibe tsa rona, Modimo o a tshepeha, o lokile, hore o re tshwarele dibe, mme o re hlatswe bokgopo bohole.

1 Johanne 2:12 Bana, ke a le ngolla, kahobane le tshwaretswe dibe ka baka la lebitso la hae.